

**ԹՈՒՐԲ-ՊԱՐՍԿԱԿԱՆ ՊԱՏԵՐԱԶՄՆԵՐԸ ՀԱՅԱՍՏԱՆՈՒՄ ԵՎ ՆՐԱՆՑ
ՀԵՏԵՎԱՆՔՆԵՐԸ (1590—1639 թթ.)**

1590 թ. Կոստանդնուպոլսում կնքված հաշտության պայմանագրով Թուրքիան մասամբ փրագործեց քաղաքական և տնտեսական իր ծրագիրը, զավթելով Անդրկովկասի ու հարավային Ադրբեջանի կարևորագույն առևտրական ուղիները՝ Քոչվորական ու ազրաբային երկիր հանդիսացող ու ֆեոդալական մասնատվածությունից ուժասպառ եղած Իրանը շոշափելի ռազմական ու բարոյական պարտության մատնվեց։ Նվաճված ընդարձակ տերիտորիայի հարստությունը, նախ և առաջ մետաքսի հումույթը, բացահայտ կերպով սկսվեց կողոպտվել օսմանցի ֆեոդալների կողմից, բնակչությունը ենթարկվեց ծանր հարկատվության, կեղեքման ու կրոնական հալածանքի։ Տեղական ֆեոդալների տիրույթները կամ հափշտակեցին, կամ նրանց պարտավորեցրին արքունի զանձարանին միանվազ խոշոր վճարումներ կատարել։ Այդ բոլորը չէր կարող ընդհանուր դժոհություն չառաջացնել նվաճողների նկատմամբ և՛ ֆեոդալների և՛ բնակչության շրջանում։

Այսպիսի իրադրության մեջ տեղական ֆեոդալները իրենց տիրույթների փրկությունը տեսան Իրանի երիտասարդ Շահ-Աբաս I (1587—1628 թթ.) ռազմական միջամտության մեջ։ Վերջինիս հաջողվել էր Կոստանդնուպոլսի հաշտության պայմանագրի (1590 թ.) կնքումից հետո ընկած կարճ ժամանակամիջոցում ապահովել իր արևելյան թիկունքը ուղբեկների ներխուժման մշտական վտանգից, սանձահարել կենտրոնախույս քոչվոր ֆեոդալների մի մասի դիմադրությունը և երկրում անցկացնել ռազմական ռեֆորմ՝ վերափոխելով Իրանի պաշտպանությունը Թուրքիայի երինակով։

Այսպիսով, Իրանի արյունոտ ճորդանքները ու ռազմական աշխարհին և կործանողն Հայոց ազգին՝ Անդրկովկասի ֆեոդալների կողմից դիտվում էր որպես հույսի ու փրկության ապավենի։

«Բազումք ոմանք,—գրում է Առաքել Դավրիժեցին,—յաշխարհէս Ատրապատականի իշխանք և կողմնալիք մամնտալանք և յրիտունեայք զնացեալ էին առ թագաւորն պարսից, վասն զի յոյժ չարաչար նեղութեամբ նեղէին իւնոսա ազգն օսմանցւոց ծանր հարկապահանջութեամբ և կեղեքմամբ զրկէին և կողոպտէին և հաւատոց կուռեճութիւն (խստություն) առնէին, և այլ բազում տառապանօք չարչարէին ոչ միայն զազս հայոց, այլև զազս վրաց և զմահմետականաց (ադրբեջանցիներ) և վասն այնր նեղութեան զնացին առ թագաւորն պարսից, զի թերևս նովաւ դիւրութիւն գտցեն զերծեալք ի ծառայութենէն օսմանցւոց»²։

¹ Հետաքրքիր է նշել, որ այդ տարիներին արտագրված ձեռագրերի հիշատակարաններում գրիչներից ոմանք կարծես գերադասում են պարսկական տիրապետությունը օսմանյանից։ Ամենամոայլ դույներով նկարագրելով օսմանյան տիրապետությունը Հայաստանում, նրանք որոշ հույսեր են կապում Շահ-Աբասի անվան հետ Այսպես՝ խիարայ գյուղից 1601 թ. Ղազար գրիչը գրում է. «...յաւուրս նորին (իմա՝ սուլթան Մուհամմեդին—Մ. Զ.) այնչափ հայածումն լինել քրիստոնէից մինչև հայրն զորդիս վաճառէին»։ Հակադրելով Թուրքական սուլթանը Շահ-Աբասի հետ, նա շարունակում է. «...երանի էր մեզ, թէ թագաւորն ի վերա մեր զնա տեսանէք» (Մաշտոցի անվան Մատենադարանի ձեռագիր, № 2845, էջ 267ր)։

1604 թ. խիղանում արտագրված ավետարանի հիշատակարանում Սարգիս քահանան Շահ-Աբասին անվանում է «էղիլ փաթշահ» (այսինքն՝ «սարգար թագավոր»)։ Մ. Մաշտոցի անվան Մատենադարանի ձեռագիր, № 6420, էջ 338ա։

² Պատմութիւն Առաքելայ վարդապետի Դաւրիժեցւոյ, Վաղարշապատ, 1896, էջ 15։

Շահին դիմող ֆեոդալների մեջ Առաքել Դավրիժեցին հիշատակում է մի շարք քուրդ, վրացի և հայ հողեր ու աշխարհիկ մեծամեծների, որոնց թվում Գեղամա մելիք Շահնաղարի և Քշտաղի մելիք Հայկաղի անունները, Դիզակի շորս ղյուղերը և Ագուլիսի Դաշտ կոչված ղյուղի ռեբեք մասքձ:

«Եւ է պատճառ դիզակեցոց և դաշտեցոց գնալոյն,—գրում է վերջինների գաղթելու մասին պատմադիրը,—ծուներ հարկապահանջութիւնն, կեղեքելն և կողոպտելն և կուռեճութիւն առնելն, և անխնայ սպանանելն արքիստոնեայսն... Այս բոլորի հետևանքով «Եղեալ են ամենեքեան յոյժ չքաւորք, և սպարտաւորք, և մնացեալ են անճար: Վասն որոյ փախուցեալ գնացին յերկիրն պարսից»:

Ֆեոդալներն, ըստ պատմադրի, իրենց հերթին մտածում էին. «...Մտերիմք երեսացին առաջին Շահին դուր իրենս դիւրութիւն և զգտութիւն ինչ գտանիցեն ի նմանէ նեղութեանց և պարտուց իրեանց»:

Երբ իրանում ամրապնդվում էր Շահ-Աբաս I կառավարությունը 16-րդ դարի վերջին սուլթանական Թուրքիան անկման նշաններ էր ցույց տալիս: Դեռևս սուլթան Սուլեյման Կանունիի (1520--1566 թթ.) և ուր Թուրքիայի ներքին օրդանիզմում առաջացած խոցերը, Մուրադ III (1574—1595 թթ.) օրոք սկսել էին թարախակալվել: Օսմանյան կայսրության հզորության հիմքը հանդիսացող նրա ռազմա-ֆեոդալական կառուցվածքը ներքին կրիզիս էր ապրում: 21-ամյա իշխանության տարիներին Մուրադ III իր վարած անընդմեջ պատերազմներով ծայր աստիճան քայքայել էր երկրի ֆինանսական վիճակը: Տարեցտարի ավելանում էր պետության դեֆիցիտը, հասնելով, 1596 թ. թուրքական աղբյուրների տվյալներով, 6000 յուլի⁷: Դրամի խիստ կարիքն ինչպես պետության, այնպես էլ առանձին խոշոր ֆեոդալների մոտ տեղի էր տալիս ամեն տեսակի շարաշուհումների: Կաշառակերությունն ընդունել էր մասսայական բնույթ: «Ամենայն ունկն արծաթայ յուրեղէն»,— գրում էր դեպքերի ժամանակակից Գրիգոր Դարանաղցին: Երկրում արմատներ էր գցել վաշխառությունը: Պետական հողերն ու նրանցից ստացված եկամուտները մեծ մասշտաբով տրվում էին կապալառության, Կապալառուները և երկրի տարբեր մասերում, հատկապես պետության տեսադաշտից հեռու արևելյան նահանգներում բացեիրաց կողոպտում էին ժողովրդին: Ոչինչ կայուն չէր մնացել: Ինքը՝ սուլթանական պետությունը իր «Հարեմական կառավարության» («Harem saliana») պահանջները բավարարելու համար դարձել էր մի տեսակ խոշոր վաշխառու: Ընդունելով մեծ կաշառքներ, միևնույն վիճակի կամ միևնույն սանջակի կառավարումը միևնույն տարում հաջորդաբար կամ երբեմն միաժամանակ կառավարությունը տալիս էր մի շարք ֆեոդալներին: Բնութագրելով սուլթան Մուհամմեդ III (1595—1603 թթ.) օրոք ստեղծված համանման իրադրությունը, ժամանակակից Գրիգոր Դարանաղցին գրում է. «... եւ այս սուլթան Մուհամմատիս թոյլամորթ լինելոյն և անփոյթ առնելով աշխարհացն, որ ամենայն իշխանք և դատաւորք և զօրք և զօրականքն և բազումք ի յոամիկ զօրացն և ի շինականացն նեղեալ և յանիրաւ զրկանացն և յափշտակութեանց ընչիցն և իշխանացն նեղեալ յանիրաւ դատաստանէ թագաւորին և վազիրացն, որ կաշառովք տային զիշխանութիւն գաւառապետութեանց և աշխարհակալութեանց և դատաւորութեանց, և տակաւին դեռ ի տեղին ոչ էին հասեալ մանզուլ (պաշտոնազուրկ) առնէին և զտեղի նորա այլ ումեմն տային»:

Քաջ իմանալով իրենց իշխանության անհարատկությունը, օսմանցի ֆեոդալները ձգտում էին առավելագույն չափով շահագործել իրենց իշխանության ներքո գտնվող ազգաբնակչությանը և հատկապես ղյուղացիությանը, անկախ ազգային պատկանելիությունից, պահանջելով նորանոր մտացա-

3 Առաքել Դավրիժեցի, էջ 16:

4 Նույն տեղում:

5 Նույն տեղում, էջ 17:

6 Նույն տեղում:

7 Մեկ յուլը (yülk) հավասար էր 100.000 աղչեի, իսկ աղչեն (akçe) հայերեն ստակ) թուրքական դրամի միավոր էր արծաթից 4,8 գրամ քաշով:

8 Ժամանակագրություն Գրիգոր վարդապետի Կամախեցոյ կաթ Դարանաղցոյ, Երուսաղեմ, 1918, էջ 260:

9 Նույն տեղում, էջ 14: Նույն հեղինակը իր խմբագրած ժամանակագրության մեջ խոսելով Թուրքիայում ստեղծված անարխիկ վիճակի մասին գրում է. «Թվին Ռեհ (1594) մեռաւ սուլթան Մուրատն և նստաւ որդի նորա սուլթան Մահմատն, որ է այժմ ի մերումս ժամանակի, որ կատալի և մոլեղին է դարձել, գրէ, թե չկա թաղաւոր միայն ժանգ անուան է ի վերայ ներքոյ անկեալ երկրին: Դատաստանն բարձաւ և ոչ կա քննութիւն և իրավունս զրկելոց. դարձել են ձկունս մեծամեծս որ զփոքունս կլանեն...» Վ. Հակոբյան, Մանր ժամանակագրություններ, հ. 1, էջ 271:

ծին հարկեր ու տուրքեր, որոնք մեծ մասամբ հայտնի էին բիդ'ատներ (bid'at — նորամուծություն) ընդհանուր անունով¹⁰:

Հսկայական հարստություն էր կուտակվել խոշորագույն ֆեոդալների ձեռքին¹¹։ Այս հանգամանքն ափսոսելի ևս ուժեղացնում էր վերջինների կենտրոնախույս ձգտումները և դրանով իսկ խիստ թուլացնում Սուլեյման Կանունիի օրոք ստեղծված կենտրոնացված օսմանյան պետականությունը։

Եվ, վերջապես, քայքայման պրոցեսը սկիզբ էր առել նաև պետության հենարան հանդիսացող ռազմա-ավատական սիստեմի մեջ։ Ավատական հողերի ժառանգականության սկզբունքը խախտվել էր։ Պետական հողային ֆոնդը վաճառվում էր ոչ-ավատական ու թուրքական աղբյուրներում բազմիցս շեշտված «օտար» («ecnebi») ծագում ունեցող մարդկանց¹²։

Երկրի ներսում ծայր առած ճգնաժամը, իհարկե, աննկատելի չէր կառավարող թուրք ֆեոդալներին։ Ճգնաժամից դուրս գալու ելքը նրանք գտան նոր պատերազմական ավանտյուրաների մեջ հվրոպական ճակատում¹³։ Այս պատերազմական գործողությունները բացի անհաջողությունից ուրիշ ոչինչ չբերեցին նրա սկսողներին։ Յուրաքանչյուր օր Կոստանդնուպոլիս էին գալիս նորանոր լուրեր՝ թուրքերի կրած ծանր պարտությունների մասին հունգարական և վալախական սահմաններում¹⁴։

1593 թ. Բոսնիայում ամբողջությամբ ոչնչացվեց Հասան փաշայի զորքը։ Այդ տարին օսմանյան պետության պատմության մեջ հայտնի է որպես թկազմալուծման կամ պարտության տարի՝ Bozgun senesi) անունով։

Եթե հվրոպական ճակատում թուրքերը լրիվ չախջախվեցին, ապա դրա պատճառը Գեղամանիայում ծայր առած կրոնական ներքին վեճերն էին։ Այդ հանգամանքը թույլ չտվեց օսմանյանների դեմ ընդհանուր հարձակում կազմակերպել։

Վերջ ի վերջո խռովության ալիքը բարձրացավ և օսմանյան պետության ներսում։ Երկրում ծայր առած ջեղախների կամ ջալալիների¹⁵ հզոր ապստամբությունը, որը, ինչպես իրավացիորեն նկատում է Համմերը, «...երեսուն տարի շարունակ դարձավ կայսրության համար մի վերք, որից

10 Այսպիսի պայմաններում բոլորովին էլ պատահական չէ Անանուն Սերաստացու ժամանակագրության մեջ նկարագրված սիմվոլիկ պատկերը։ Նկարված է այստեղ գալարվող մի օձ, որի մարմնի ղանաղան մասերից դուրս են ցցվում վիշապի գլուխներ, յուրաքանչյուրը սուլթաններից մեկի անունով, սկսած Օսմանից և վերջացրած Մուհամմեդ III-ով։ Վ. Ա. Հակոբյան, Մանր ժամանակագրություններ, հատ. 1-ին, էջ 165։

11 Այսպես, 16-րդ դարի վերջին մեծ վեզիր (Վեզիր-ի ազամ) Կոջա Սինան փաշայի հարստությունն հաշվվում էր 2 միլիոն 900.000 ազնե, 29 յուկ (բեռ) թանկագին քարեր, անհաշիվ թվով անշարժ գույքեր, մուլքի իրավունքով հողային հսկայական տարածություններ, խոշոր ու մանր եղջերավոր անասունների բազմաթիվ հոտեր և այլն (տես Լ. Կ. Դանիշմենդ, *Izahli Osmanlı tarihi Kronolojisi*, c. III, Istanbul, 1950, s. 162; Լ. Կ. Դանիշմենդ, *Histoire de l'empire ottoman*, tome VII, Paris, 1837, էջ 313)։

Ավելի մեծ ու փոքր չափի հարստություններ թողել են համարյա բոլոր մեծ վեզիրները և նամանավանդ Սինանի հաջորդներից Ռուստամ և Նասուհ փաշաները (նույն տեղում)։

12 Այս մասին ափսոսելի ընդարձակ տես Բ. Ա. Гордлевский, Внутреннее состояние Турции во второй половине XVI века, Труды института востоковедения, сборник № 2, 1940 г.; А. С. Тверитинова, Восстание Кара Языджи-Деяи Хасана в Турции, Москва, 1946 г.; В. Д. Смирнов, Кучибей Гомюрджинский и другие османские писатели о причинах упадка Турции, СПб, 1873 г.

13 Ժամանակակից թուրք պատմագրությունը միանգամայն սխալ ու տենդենցիոզ ձևով է բացատրում 16-րդ դարի վերջին հվրոպական ճակատում սկսված պատերազմի պատճառը։ Ըստ նրանց, պատերազմի վերսկսվելը ոչ թե ներքին ճգնաժամից դուրս գալու հետևանքով էր, այլ առանձին «գեվզիրմեխ» (մանկահավաքի) միջոցով իշխանության գլուխ անցած առանձին անհատների, սովալ ղեպքում խոշա Սինան փաշայի «այդ հարեցող գեվզիրմեխ ստահակի» դավաճանության արդյունք։ Ըստ նրանց, այդ ոչ թուրք ծագում ունեցող ֆեոդալներն էին, որ օսմանյան պետականությանը մղում էին դեպի կործանման անդունդը։ (Տես Լ. Կ. Դանիշմենդ, *Նշխարաբանությունը*, էջ 70, 94, 150, 188 և այլն։ Լ. Կ. Դանիշմենդ, *Histoire de l'empire ottoman*, tome VII, p. 309; Լ. Կ. Դանիշմենդ, *Նույն տեղում*, էջ 123—124, 126, 127—128)։

15 Սկզբնական շրջանում ջալալիներ լին կոչվում 1519 թ. Թոխաթի շրջակայքում բռնկված կրոնական երանդ ունեցող ու Ջելալի ղեկավարությամբ պետության դեմ ապստամբողները։ Հետագայում հակապետական բոլոր տեսակի շարժումները (գյուղացիական, քաղաքային ազգաբնակչու-

մշտապես արյուն էր կաթում»¹⁶։ Դա մի շարժում էր, որ կաթվածահար արեց օսմանյան պետության քաղաքական և ռազմական ապարատը և վճռական դեր խաղաց նրա անկման գործում։

Ջալալիների ապստամբությունը հետևեց 1600 թ. կայսրության մայրաքաղաքում բռնկված սիւլահիների ապստամբությունը։ Այդ տարին թուրքական պատմագրության մեջ հայտնի է որպես «ապստամբության տարի»¹⁷։

Շահ-Աբասը ուշի-ուշով հետևում էր Թուրքիայում տեղի ունեցած իրադարձությունների ամենափոքր մանրամասնություններին, տեղեկություններ հավաքելով ամենքից և իր մոտ ապաստանած ֆեոդալներից, խորամանկ շահը,— գրում է պատմագիր Առաքել Դավրիժեցին,— «...սնտի ու պատիր խաբեությանը» բարեկամ ցուցաբերելով իրեն իր մոտ ապաստանած ֆեոդալներին, «...զամենայն խորհուրդս սրտից նոցա յինքն զողացաւ, և վամենայն որպիսորին աշխարհաց նոցա զել և վմուտ (ընդգծումը մերն է—Մ. Զ.) և զաշխարհակալ արանց իմացաւ»¹⁸։

Կոստանդնուպոլսի պայմանագրով, Անդրկովկասի կորուստը, Իրանի ղեկավարող շրջանները դիտում էին որպես ժամանակավոր երևույթ, գտնելով, որ այդ երկրամասը իրենց ժառանգական «հայրենի աշխարհն» է։ Այս տեսակետից վերին աստիճանի ուշադրով են Առ. Դավրիժեցու մեջ բերած Զուլֆիղար խանի դիմումը Նախիջևանում պաշարված օսմանյան կայազորին։ Շահ-Աբասի այդ զորավարը, հորդորելով կայազորին անձնատուր լինել, ասում էր, պաշտպանությունը զուր է, որովհետև զալիս է «ինքնակալ թաղավորը բազում զօրոք» և խնդրում է «զհայրենի աշխարհն իւր»¹⁹ (ընդգծումը մերն է—Մ. Զ.)։

Նախքան օսմանցիների դեմ պատերազմ սկսելը, Շահ-Աբասը ղեկավարություններ է ուղարկում Եվրոպա, Մոսկվա, Գերմանիա, Իտալիա (Վենետիկ, Տոսկանա) և Հռոմի Պապի մոտ՝ Թուրքիայի դեմ միասնական ճակատ կազմելու համար²⁰։

Շահին մնում էր միայն պատերազմի առիթը, որը շուտով ներկայացավ։ Դժգոհ օսմանցիների տիրապետությունից՝ Սալմաստի բեկ քուրդ Ղազին ապստամբում է օսմանցիների դեմ և շահի օգնությունը դիմում հորդորելով նրան շարժվել դեպի Թավրիզ և սկսել պատերազմը օսմանցիների դեմ²¹։

Օգտագործելով ստեղծված հարմար առիթը, 1603 թ. սեպտեմբերի 14-ին (7 ռեբի-ուլ-ախիր), Շահ-Աբասը մի քանի հազար զինվորների ղուլիս անցած Սպահանից սրընթաց շարժվում է դեպի Թավրիզ, ճանապարհին նրան է միանում Արդեբիլի կառավարիչ վերոհիշյալ Զուլֆիղար խանը՝ իր մի քանի հազար մարդկանցով։ Շուտով Շահ-Աբասը մտնում է Թավրիզ, Օսմանցիների բռնություններից ձանձրացած՝ Թավրիզի բնակչությունը մեծ խանդավառությամբ դիմավորում է շահին։

Սեպտեմբերի 29-ին (22 ռեբի-ուլ-ախիր), Թավրիզից հյուսիս-արևմուտք ընկած Սոֆյանի դաշտում տեղի ունեցած ճակատամարտում թուրքերը պարտվում են ու նահանջում դեպի Նա-

թյան կամ առանձին ֆեոդալների) սկսեցին անվանել քելալիների շարժում (տե՛ս A h-met Refik, On altnc asırda Rafizilik ve Bektaşlık (1558—1591). Istanbul, 1932, էջ 8—9)։

¹⁶ I. Hammet, Histoire de l'empire ottoman, հատ. VII, էջ 370։

¹⁷ Katip Çelebi, Fezleke, հատ. I, էջ 202։

¹⁸ Առաքել Դավրիժեցի, էջ 18։

¹⁹ Նույն տեղում, էջ 23։

²⁰ I. Hammet, Histoire de l'empire ottoman, հատ. VIII, էջ 38; Н. А. Смирнов, Россия и Турция в XVI—XVIII вв., Москва, 1946 г., էջ 140, 151, 257 ալլա։

²¹ Katip Çelebi, Fezleke, հատ. I, էջ 204։

Առ. Դավրիժեցի, էջ 15։

Ընդհանրապես պետք է նշել, որ քուրդ Ղազինի ապստամբությունը օսմանցիների դեմ եզակի երևույթ չէր։ Դժգոհ օսմանյան տիրապետությունից և ջալալիների շարժման հետևանքով երկրում ստեղծված անարխիայից, բազմաթիվ քուրդ բեգեր անցան Իրանի կողմը։ Թուրքական օկուպանտները Նույնպիսի ոտնձգություններ էին կատարում քուրդ բեգերի նկատմամբ՝ հափշտակելով նրանց ունեցվածքը։ Թուրքական ժամանակագրություններում նշվում է, որ «ռայաթի ունեցվածքի հափշտակությունից հետո» (emval-i reaya gaarelinden sonra), «էմիրների և հաքիմների», այսինքն ֆեոդալների (emval-i ümera ve hükkamında yagmaya kalkışip) ունեցվածքն նույնպես հափշտակեցին (տե՛ս I. H. Danişmend, Նույն տեղում, էջ 225)։

իւիչեան, սակայն Քավրիզի բերդը գրավւում է միայն հոկտեմբերի 21-ին (15 չեմազուլ-էվվել), այսինքն շուրջ երեք շաբաթ գիմազրութիւնից հետո²⁴:

Տեսնելով, որ անհնարին է կասեցնել դեպի Նախիջեան արշավող պարսկական բանակի սրընթաց առաջխաղացումը, օսմանցիները «...ինչ և կարացին կողոպտել ի մերձակայ գեղօրէիցն. կողոպտեալ աւարացին՝ և ժողովեցան ի Նախուան»²⁵:

Հոկտեմբերի 26-ին (20 չեմազուլ-էվվել) օսմանցիները հեռանում են Նախիջեանից:

Նախիջեանի անկմանը հետևում է Երևանի պաշարումն ու գրավումը պարսիկների կողմից, որը տեղի է ունենում նոյեմբերի 15-ին (10 չեմազուլ-ախիր): Սակայն Երևանի այսպես կոչված ռնոր բերդը (Kala-icedid)²⁶ գրավւում է միայն վից ամիս պաշարումից հետո, 28 մայիսին (28 չիւհիլ) 1604 թ. 25:

Երևանը ենթարկւում է ավերածության: Շահը Երևանը քանգեց, այրեց ու հողի հետ հաժախութեամբ²⁶, — գրում է Ի. Փեշեվին:

Արարատյան դաշտավայրում, շահը որպէս թնդանոթի միս օգտագործում էր տեղի հայ ու ադրբեջանցի բնակչությանը: Նա զրոհադատ «ITADİ—կամավոր բառից» անունով գումարտակներում հավաքագրում էր տեղացի բնակչությանը, քշելով նրանց ռազմաճակատի ամենավտանգավոր տեղերը, ուր և նրանք ոչնչանում էին:

Երևանի բերդի գրավումից հետո շահը ասպատակեց Սևանա լճի, Շիրակի ու Հոռու շրջանները. անխնա թալանելով ու բռնութիւններ գործադրելով բնակչության նկատմամբ: Նախավկայի վանքում գրված մի հիշատակարանում կարդում ենք. «Ի դառն և ի նեղ ժամանակին, որ որդի խուտարանտային երեկ Սպահանայ... գերեաց զազգն քրիստոնէից և խիզանն հայական ազգին որպէս զարինս վաճառէին միմեանց և... անմեղ մարդիկ կոտորեցին և շատ անմեղ տղայք ի գրկից մաւրն խլէին... և զազգն Հայոց վաճառին»²⁷:

22 Իրանագետ Հ. Դ. Փափաղյանը, ըստ երևույթին հենվելով Մատենադարանի պարսկական մի փաստաթղթի վրա, Քավրիզի գրավումը թվարկում է սեպտեմբերի 28-ին և Սոֆյանի ճակատամարտը հետևորդում է Քավրիզի գրավմանը (տե՛ս Հ. Դ. Փափաղյան, Մատենադարանի պարսկերէն հրովարտականները, Երևան, 1959, 2-րդ մաս, էջ 13): Մինչդեռ Սոֆյանի ճակատամարտը նախորդում է Քավրիզի անկման դեպքին: Այդ պարզորոշ կերպով վկայում են ինչպես թուրք, այնպես էլ հայ աղբյուրները: Այսպես՝ հենվելով Քյաթիր Զելեբիի «Ֆեզլեքե» աշխատության վրա Համմերն, օրինակ, գրում է. «1603 թ. սեպտեմբերի 25-ին (19 օրիուլ ախիր) տեղի ունեցավ ճակատամարտ, որտեղ օսմանցիները պարտվեցին պարսիկների թվական գերակշռության տակ...: Օսմանցիների պարտությանը հետևեց Քավրիզի անկումը», ըստ որում բերդի գրավումը տեղի է ունենում հոկտեմբերի 21-ին: Տես Լ. Համմեր, Histoire de l'empire ottoman, հատ. VIII, էջ 30—40: Նույն ձևով են մեկնաբանված թուրք աղբյուրների վկայութիւնները թուրք պատմաբաններ Դանիշմենդի, Ուղուչարշլիի և մյուսների մոտ (Լ. Դ. Danışmend, Նույն տեղում, էջ 226):

Առավել պարզ են վկայութիւնները Դավրիժեցու մոտ՝ «Յաւուրս յայսոսիկ, — գրում է նա, — ...եկն շահն և եհաս ի Քարվեզ, յեթող զքաղաքն և անցեալ եկն ընդդեմ զօրացն օսմանցուց: Իսկ օսմանցիք իբրև զղացին զգալն պարսից և իմացան ստուգիւ թն շահն ինքն է, քանզի յառաջ համարեցան, թէ զօրապետ ոմն իցէ, և իսկոյն թողեալ զպատերազմն բերդին, դարձան և եկին մերձ ի դիւղն Սոֆիան, և անդէն ի դաշտին Սոֆիանու խմբեցան ի պատերազմն յանդուգն բախմամբ: Այնուհետև «...և յետ վաճենլոյ սլատեւազմին եկն շահն՝ և եմուտ ի Քարվեզ, և կալեալ տիրեալ Բաղաֆին և ամենայն զաւառացն» (ընդգծումը մերն է—Մ. Զ.), Ա. Ռ. Դավրիժեցի, էջ 19—20:

23 Ա. Ռ. Դավրիժեցի, էջ 21:

24 Այդ բերդը թուրքերն շտապ կարգով կառուցել տվեցին՝ բռնի աշխատանքի լծելով հարյուրավոր մարդկանց: Առաքել Դավրիժեցին բերդի կառուցման մասին գրում է. «Եվ ի հարավային կողմն (հին) բերդին Երևանայ կից ընդ նմա պատեցին պարիսպ և շինեցին միւս ևս բերդ և մտին ինքեանք (օսմանցիները) ի ներս պատերազմական դիմութ» (Առաքել Դավրիժեցի, էջ 21—22): Բերդը նոր էր կոչւում, որպեսզի տարբերվեր 1583 թ. Ֆերհադ փաշայի կառուցած «Հին բերդից»:

²⁵ Katip Çelebi, Fezleke, հատ. I, էջ 218. Լ. Համմեր, Histoire de l'empire ottoman, հատ. VIII, էջ 30. Լ. Դ. Danışmend, Նույն տեղում, էջ 232:

²⁶ Լ. Peçevi, Tarih-i Peçevi, հատ. 2, էջ 261:

«وقلعه روانی یاقوب بیقوب خا که بر ابر ایلدی»

27 Տե՛ս Ա. Գ. Զովհաննիսյան, Դավազներ հայ ազատագրական մտքի պատմության, հատ. 2, Երևան, 1959, էջ 83:

րից Հայոց», ինչպես դրում է Առ. Դավրիժեցին, հորդորելով նրանց համաձայնվել ժամանակավորապես տեղափոխվել Պարսկաստան՝ օսմանյան զորքերի ասպատակություններից զերծ մնալու համար: Իրականում շահի ստրատեգիական նպատակն էր ամայացնել երկիրը, որտեղից պիտի անցնեին օսմանյան բանակը և որ ղլխավորն է՝ բռնի տեղահանվող բնակչությունը ամեն կերպ պիտի նպաստեր իրանի տնտեսության ու առևտրի զարգացմանը: Առաքել Դավրիժեցին այսպես է բացատրում այդ բռնի տեղահանության պատճառը. «Զի եկեալ օսմանցւոցն անրևակ դտանիցեն զերկիրն ի մարդկանէ, եւ ոչ գտցի կերակուր և ոռճիկ և այդ ինչ պիտոյք նոցա՝ և անասնոց նոցա, և առ ի շոյէ հարկաւորաց վտանգեացին զօրքն օսմանցւոց: Նաև ժողովուրդն լինիցին նմա անգեւծանելի հարկատու՝ ծառայք. և հողագործմ մինչև ցլախտեան»³⁴ (ընդգծումը մերն է—Մ. Զ.):

Հետագայում Անդրկովկասի երկրներից բնակչության բռնի տեղահանման պրակտիկան շարունակվեց մինչև իսկ 1612 թ. ժամանակավոր զինադադարը: Հենվելով այս փաստի վրա, պրոֆեսոր Ի. Պ. Պետրուշևսկին գալիս է այն եզրակացության, որ բռնի տեղահանումը առավելապես նրպատակ ուներ գյուղացիներին ամրացնել հողին և առավելագույն չափով շահագործել նրանց³⁵:

Ուշագրություն չդարձնելով հայերի «ավազանիներն» դիմադրությանը, Շահ-Աբասը Ամիրզունա խանին հանձնարարում է՝ «ուր և կարասցեն ձեռնարկել, արտասահման արարեալ վարեսցեն, և ոչ թողուցուն ամենեկն շունչ կենդանի, եթե քրիստոնեայ և թե մահմետական, զհաւանելսն բանիւ, և զոչ հաւանեալսն և զստունդանոցսն հրամանաց թաղաւորին, սրով՝ և մահումը՝ և գերութեամբ»³⁶:

Այսպիսով, ոչ միայն հայ, այլև ադրբեջանցի ու մասամբ վրացի բնակչությունը քշվում էր դեպի Պարսկաստան:

Երկրից դաղթեցվող բնակչության շարասյունը, Դավրիժեցու ասելով, «...ածեալ բերեալ հասուցին ի գաւառն Արարատու, և զլայնանիստ դաշտն նորա լցին ծագէ ի ծագ, քանզի ի ստորոտ լեռանցն Գառնույ մինչ ի յեզրն Երասխայ մեծի գետոյն, լայնութիւնն էր բանակին, ի զերկայնութիւնն զովմը կշռեաց զու, բայց ես ասեմ աւուր միոյ ճանապարհ»³⁷, այսինքն մոտ 30—40 կիլոմետր ճանապարհ:

Տասնյակ հազարավոր զոհերի դնով, դաղթական զանգվածն անցավ Արաքս գետը՝ նրանց կրած անլուր տառապանքների, սովի, կամայականությունների, հայ կանանց ու աղջիկների լլկումների բազմաթիվ դեպքերի, զազազած պարսիկ հրամանատարների կատարած վայրագությունների, ջրահեղձման դժեղակ պատկերների մասին մանրամասն դրված են Առաքել Դավրիժեցու «Պատմութեան», ձեռագրերի հիշատակարաններին³⁸, հայ կաթոլիկ քահանա Ավգուստինոս Բաշեցու³⁹ և այլոց գրած էջերում:

Զարհուրելի դեպքերը խորը կսկիծով նկարագրելուց հետո Առաքել Դավրիժեցին գրում է. «Եւ զայս ամենայն լսելով և գրելով մեր, ճմլին սիրտք մեր, և զալարին աղիք որովայնի մերոյ,

³⁴ Ա. Առ. Դավրիժեցի, էջ 38:

³⁵ И. П. Петрушевский, Очерки по истории феодальных отношений в Азербайджане и Армении в XVI—нач. XIX вв. Ленинград, 1948 г., էջ 252—253:

³⁶ Ա. Առ. Դավրիժեցի, էջ 40:

³⁷ Նույն տեղում:

³⁸ Այսպես Մ. Մաշտոցի անվան Մատենադարանի ձեռագիր № 1282, էջ 261բ, 262ա. կարդում ենք. «...զոռնիս շարութեան և զառ և զաւար գերութեան զոր պարսիկք ընդ հայք արարին, առաւել է քան զբարեւացւոցն առ իսրայելացիսն, զոր ոչ ոք կարէ մի ըստ միոյն պատմել և կամ ընդ գրով արկանել. զի սկսեալ ի տանեն Շիրակայ մինչև ի Զուղայ և տուն Գողթնեաց զհայք բնաջինչ արարեալ տարեալ հանին ի խորին պարսիկս, ի Շօշ և յԱսպահան կաթողիկոսով և եպիսկոպոսօք, քահանայիօք և ժողովրդովք, արամք և կանամբք, բնչիօք և զոյիօք. և թողին զդաշտն Արարատեան և զնսխալաւան նահագօքն և զփարթամ ճոխութեամբ զԶուղայ շրջագայութն ամայի ու թափուր ի բնակչացն...»: Համանման հիշատակարաններ կան հետևյալ ձեռագրերում.

Ձեռագիր № 5345, էջ 206բ—207 բ, № 4692, էջ 613 բ, № 6093, էջ 355 բ, 3843, էջ 189բ, № 5057, էջ 293ա, № 4721, էջ 655բ—656ա, № 4515, էջ 363, 364—365, 369, 373—374, Հայկական ՍՍՏ ԳԱ պատմության ինստիտուտի արխիվ. Մազիստրոսի (Մեսրոպ Տեր-Մովսիսյանի) զործերը, թղթապանակ № 8, էջ 86, № 10, էջ 341, № 11, էջ 19, 23, 29—35, և բազմաթիվ տպագիր հիշատակարաններ:

³⁹ Itinéraire du très révérend frère Augustin. Badjetsi, traduit par M. Brosset, Journal Asiatique.

և աչք մեր վտակս արտասուաց թորեալ իջուցանեն, վասն եկելոյ հասելոյ թշուառութեանս ժողովրդեանս մերոյ»⁴⁰,

Տեղահանումը ոչ միայն մարդկային մեծ զոհեր տվեց, այլև ամայի դարձրեց երկիրը։ Հայադուրկ դարձան Հայաստանի շատ գավառներ, մանավանդ Այրարատը⁴¹։

Միայն Հայաստանի որոշ լեռնային մասերում, այրերում և անտառներում բնակչության մի մասին հաջողվել էր խուսափել տեղահանությունից, տեղ-տեղ դիմադրություն ցույց տալով պարսիկներին։ Այդպես վարվեցին օրինակ զառնեցիները, որոնք Դավրիժեցու պատմելով, «սրով և բահով, քարի և փայտի» հարձակվեցին Ամիրգունա խանի պատժիչ ջոկատների վրա։ Պիտի ենթադրել, որ Հայաստանի այլ վայրերում էլ եղել են համանման դիմադրություններ։

Երկու հարյուր հազար բանակով հասնելով Կարս, Ջղալ օղլի Սինան փաշան տաս օր այնտեղ մնում ու այնուհետև շարժվում է դեպի Նախիջևան և իր զրաժ նամակներով շահին զորքում էր ու ստիպում պատերազմի բռնվել օսմանցիների հետ։ Սակայն շահը իր համեմատաբար փոքրաթիվ բանակով հրաժարվում է ճակատամարտել օսմանցիների հետ և հրամայում հրկիզել ու քանդել ճանապարհին ընկած վայրերն ու ցանքսերը։ Ամբողջ երկրամասը ավերված ու ամայացված լինելու և շահի դեպի Թավրիզ նահանջելու պատճառով, Սինան փաշան որոշում է ձմեռն անցկացնել Շիրվանում, իսկ գարնանը վերսկսել պատերազմական գործողությունները։ Սակայն նրա ծրագիրը հանդիպում է կատաղած ենիչերիների դիմադրությանը, որոնք պահանջում էին ձմեռն անցկացնել «Թումի երկրում», այսինքն Փոքր Ասիայում։ Սինան փաշան իր զորքը քաշեց դեպի Վան, սակայն շուտով պարսիկները պաշարեցին այն։ Սինան փաշան ստիպված Վանա լճի վրայով շարժվեց դեպի Արծկե (Ադիլջեվազ)։ Քառասուն օրվա պաշարումից հետո շահն ստիպված եղավ թողնել Վանը ու հեռանալ դեպի Պարսկաստան⁴²։

Վանում և իր շրջակա գավառներում Սինան փաշայի կատաղած զորքերը կողոպտում են բնակչությանը ու գործադրում բռնի կամայականություններ։

«Իսկ զօրքն,— դրում է Առ. Դավրիժեցին,— որք նստան Ղշլաղ ի վերայ երկրին (Վանայ) իբրև զգազանն տեսլեան Դանիելի՝ կերան, և մանրեցին, և զմնացորդսն ոտից կոխան արարին. փոխանակ շինելոյ դերկիրն՝ աւերեալ քայքայեցին՝ և ի վերջին թշվառութիւնն հասուցին, թէ անողորմ կեղեքելով՝ և թէ այլ պղծագործութեամբ»⁴³,

Հաջորդ տարին պատերազմական գործողությունները վերսկսվեցին։ Սինան փաշան Դիարբեքիից 1605 թ. օգոստոսին շարժվեց դեպի Սալմաստ ու խոյ։ Ուրմիո լճի մոտերքում տեղի ունեցավ մեծ ճակատամարտ։ Պարսկական բանակը ղեկավարում էր ինքը՝ շահը։ Ծակատամարտը վերջացավ օսմանցիների պարտությամբ։ Օսմանցիները և ինքը Սինան փաշան հապճեպ դիմեցին փախուստի, ոազմի դաշտում թողնելով «...զկահ և զկարասիս, զուղտս և զզրաստս, զմեթերս կերակրոց, և զգանձս սնդկով և սաւպատով. քանզի զջրագունսն վարեալ թողին և զվրանսն կառուցեալ՝ որպէս կանխաւ կառուցեալ էր...»⁴⁴։

Օսմանցիների պարտությունը այն աստիճան ազդեց Սինան փաշայի վրա, որ նա Դիարբեքիում նահանջի ժամանակ մահացավ 1605 թ. դեկտեմբերի 2-ին (21 ունջեր)⁴⁵։

40 Առ. Դավրիժեցի, էջ 52։

41 17 դ. Ֆրանսիացի ճանապարհորդ Ժան Բատիստ Տավերնիեն խոսելով հայերի բռնի Պարսկաստան տեղահանման մասին գրում է. «Երևանի և Թավրիզի միջև ընկած երկիրը ամբողջովին ավերվեց Պարսկաստանի թագավոր Շահ-Աբաս Ա-ի կողմից, որպեսզի թուրքական բանակը, որն առաջանում էր այս կողմերից, ոչինչ չգտնի իր գոյությունը ապահովելու համար ու կործանվի։ Նա ուզեց ամբողջ երկիրը դարձնել ամայի և Պարսկաստան տարավ Զուլֆայի և նրա գավառների բոլոր բնակիչներին՝ երիտասարդ և ծեր, հայրեր, մայրեր և երեխաներ»։ «Tout le pais entre Erivan et Tauris fut entièrement ruiné par Cha-Abas le I du nom, Roy de Perse, afin que l'armée des Turcs qui marchait de ce côté la ne trouva rien dequoy subsister, se détruisit d'elle-même. Il voulut rendre le pais désert et emmener en Perse tout les habitants de Zulfa et des environs, jeunes et vieux, les pères, les mères et les enfants, etc.» J. B. Tavernier, Les six voyages, Paris, 1692, էջ 44։

42 J. Hammer, Histoire de l'empire ottoman, հատ. XIII, էջ 59—60; J. H. Darnis mend, նույն տեղում, էջ 236։

43 Առ. Դավրիժեցի, էջ 71։

44 Առ. Դավրիժեցի, էջ 77։

45 Ոմանք ասում են,— գրում է պատմագիր Ի. Փելեին,— որ նա թույն է խմել ու մահացել, ոմանք էլ, թե նա մահացավ հուղմունքից ու թախծից», տես «Tarlı-i Peçevi», հատ. 2, էջ 266։

Թե ինչ հետևանքներ ունեցան 1603—1605 թթ. պատերազմական գործողությունները հայ ժողովրդի և Հայաստանի համար, հանգամանորեն ներկայացնում է մեզ դարձյալ Առ. Դավրիժեցին՝

«Եւ ի շարժմանէ այլոց երկուց տիեզերակալացս որք զարթուցեալք են ի պատերազմ, — գրում է նա, — եթէ Սարդարն՝ որ եկն յարևմտից, և թէ շահն՝ որ ի կողմս արևելից՝ քի որքան աներումն և փանդումն եղև աշխարհի, քէ ի զայն և քէ ի զառնայն քէ որքան ծանրաբեռն հարկապահանջութիւն եղևալ ի վերայ ժողովրդեանն և բոնուրեամբ արին, նոյնպէս և զՍուրուսատն՝⁴⁶ որ զկնի զօրացն բերել տային, և քէ զորքն՝ և ի ձմեռն երկվարօքն իւրեանց ղշլաղ տային, կամ զփանդումն տանց և այգեստանայ, և զկոխումն արտուրից՝ և զհանումն համրաբաց՝ ցորենոյ և զայլ սերմանեաց, և ասարումն, և յափշտակումն բնչից և ստացուածոց, զուտեւրաց և զղստեւրաց, և սպանումն անպարտ անձանց, զօրս ի յայտնի և զօրս ի զաղտնի, և զայլ ամենայն շարիսն զօր անձին և վերայ աշխարհի. մեղ ոչ զոյ կար թուելոյ, այլ այնմ, որ թուլ զրազմութիւն աստեղաց, և ստեղծ զայնման անձինքս որք մատենցան անողորմ և մարդաղէմ զազանացն այնոցիկ»⁴⁷ (ընդգծումը մերն է—Մ. Զ.):

Պատերազմական գործողությունները և ջալալիների շարժումը Հայաստանում սկզբում նրա արևմտյան, այնուհետև արևելյան մասերում իրենց հետ բերեցին անլուր դժբախտություններ՝ սով ու համաճարակ, որը խլում էր տասնյակ հազարավոր մարդկանց կյանք։

Այսպիսի պայմաններում հայ ժողովրդի մի հատվածը, հատկապես առևտրա-արհեստավորական խավը զաղթում էր դեպի Կոստանդնուպոլիս, Թավրիզ, Սպահան, Թրակիա, Ղրիմ, Ռուսաստան, Հնդաստան և այլուր։

«Եւ յայսմ ժամանակի եղեն ցիր և ցան ազգն Հայոց և զնացին իւրաքանչիւր որ հանդեպ երեսաց իւրոց զտանել տեղի կելոյ և ապրելոյ, Ոմանք յՈւտումելի, ոմանք ի Բուղդան, ոմանք ի Հնճ, ոմանք ի Կաֆայ, ոմանք ի ծովեզերսն Պոնտոսի, ոմանք ի Թարվեզ և յԱսրտաւել և ի գավառս սոցա»⁴⁸, գրում է Առ. Դավրիժեցին։

Չնայած զաղթողները ազատվում էին ֆիզիկական քնաշնչման վտանգից, սակայն ծանր ու շարքաշ էր նրանց կյանքը նոր բնակավայրերում։ Այսպես, Գրիգոր Դարանաղցին ականատեսի աչքով այսպես է ներկայացնում զաղթականների վիճակը Կոստանդնուպոլսում. «Ամենքն դեռ եկածք աղքատք և տնանկք և չքաւորք և մուրողք, — գրում է նա, — որ հոգայր զանձին իւրոյ զհոգ և ոչ զեղբօր կամ զազգատոհմի և կամ զընկերի, վասն որոյ անխնամ մնալով...»⁴⁹։

Մի այլ տեղ զաղթականների մասին նույն հեղինակը գրում է, որ նրանք են. «...աղքատք և մերկք և կարի չքաւորք, կեղեքած և թալանած՝..., որ զօրս օրէն հացիկն միայն հազիւ թէ կարողանային հնարել ոմանք մեծաւ ջանիւ»⁵⁰։

1607—1608 թթ. ջալալիների նոր ապստամբությունները Թուրքիայի ասիական մասերում, օսմանցի ֆեոդալներին հնարավորություն չտվեցին նոր պատերազմական գործողություններ ձեռնարկել սեֆեվիդների դեմ։ Միայն 1608 թ. վերջերին, երբ հիմնականում շնչվեց ջալալիների ապստամբությունը մեծ վեզիր Կուլուչու Մուրադ փաշայի կողմից, սուլթանական Թուրքիան հնարավորություն ստացավ մտածելու պարսկական ճակատի մասին։

1609 թ. աշնանը Կուլուչու Մուրադի ձեռնարկած կամպանիան չիրականացավ ջալալիների դեմ մղված պատերազմներից հոգնած ենիչերիների ցուցարերած դիմադրության պատճառով, որոնք վախենում էին արշավանքի ընթացքում ընկնել սովի հիրանների մեջ։ «Ինչպես հնարավոր է պարեն գտնել էրզրումում, երբ այնտեղ սով է, ու մի կիլոգրամ զարին արժի հինգ դուկատ և պարսիմատի (չորացած հացի) կիլոն մեկ դուրուշ. — ասում էին նրանք»⁵¹։

Չնայած դրան, 1610 թ. զարնանը մեծ վեզիր Կուլուչու Մուրադը բանակի ղեկին անցած էրզրում—Չալդրան—Խոյ—Սալմաստ ճանապարհով շարժվեց դեպի Թավրիզ։ Ուսկայն շահի առաջարկով մի շարք բանակցություններից հետո միայն օսմանյան բանակը հետ նահանջեց դեպի Դիարբեքիր։

⁴⁶ Սուրուսաթ (թուրք Sursat — բառացի տար ծախիր)։ Նշանակում էր պարենի պարտադիր մատակարարում բանակին պատերազմի ժամանակ, Հավաքվում էր ցորենի, գարու, փայտի, անասնակների և այլնի ձևով։ Նախատեսվում է պատերազմից հետո հատուցել վերցված պարենի գինը, սակայն իրականում զաւրբեք չէր գործադրվում (տե՛ս M. Z. Pakalın, Osmanlı tarih defterleri ve terimleri sözlüğü, c. III, İstanbul, 1955, էջ 300)։

⁴⁷ Առ. Դավրիժեցի, էջ 78—79։

⁴⁸ Նույն տեղում, էջ 88։

⁴⁹ Գր. Դարանաղցի, էջ 105—106։

⁵⁰ Նույն տեղում, էջ 127։

⁵¹ J. Hammer, Histoire de l'empire ottoman, t. VIII, էջ 158։

1611 թ. նոյեմբերի 20-ին (26 ռամազան 1021 թ.) կնքվեց նոր հաշտության պայմանագիր արևելյան այդ երկու պետությունների միջև: Հաշտության համար հիմք ընդունվեց 1555 թ. սուլթան Սուլեյմանի և շահ Թահմասպի միջև կնքված պայմանագիրը⁵²:

Այսպիսով՝ Թուրքիան հրաժարվում էր Մուրադ III օրոք Անդրկովկասում կատարած իր նվաճումներից, Պարսկաստանին թողնելով Ադրբեջանը, Արևելյան Հայաստանն ու Արևելյան Վրաստանը: Իրանը պատրաստվում էր տարեկան 200 բեռ (yûk) մետաքս հանձնել Թուրքիային որպես հարկ, որից սակայն շուտով նա հրաժարվեց:

Այսպիսով՝ հաշտության պայմանագրով Թուրքիան ճանաչում էր իր պարտությունն Իրանից: Նա ստիպված էր այդ քայլին դիմելու, որովհետև, ինչպես իրավացիորեն նշում է Համմերը, «Ասիայի ապստամբությունների կործանիչ հետևանքները օսմանյան քաղաքականությանը նոր ուղղություն էին տվել և ստիպել նրան Հունգարիայի և Պարսկաստանի հետ հաշտություն կնքել...»⁵³:

Որպես պարտության փոխհատուցում, Թուրքիան հաշտության պայմանագրում ստիպում էր Իրանին Ռուսաստանի դեմ իր որևէ հնարավոր զործողությունների ընթացքում խոչընդոտ չհանդիսանալ, այլ ընդհակառակն, օգնել: Դա, իրոք, զիջում էր Իրանի կողմից Թուրքիային: Ըստ էության, Սեֆյան Իրանը, ինչպես և Թուրքիան սաստիկ վախեցած էր Ռուսաստանի հզորացումից, չնայած հենց ինքը Շահ-Աբասը, ինչպես տեսանք վերևում, դեսպանություններ էր ուղարկել Ռուսաստան Թուրքիայի դեմ ընդհանուր դաշինք կնքելու համար:

Կնքված հաշտության պայմանագիրը կրում էր ժամանակավոր բնույթ: Ոչ Օսմանյան Թուրքիան էր ուզում հաշտվել Անդրկովկասի կորուստի հետ և ոչ էլ Սեֆյան Իրանը՝ իրեն համար ստորացուցիչ մետաքսահարկ վճարելու զաղափարի հետ:

Իրոք, Իրանը հաշտության պայմանագրի կնքումից հետո, ինչպես ասվեց, դադարեցրեց Թուրքիային տարեկան 200 բեռ մետաքս ուղարկելու: Դա առիթ հանդիսացավ նոր պատերազմական զործողությունների:

1616 թ. դարնանը օսմանյան 100 հազարանոց բանակը Հալեպից Հասանկալա—Սողանլու, ճանապարհով շարժվեց դեպի Կարս: Կարսի բերդը, որը շահի կողմից ավերված էր, ինչպես այդ մասին գրում է Քյաթիր Չելերին, տեղական բնակչության բռնի աշխատանքի լծելու միջոցով մի շարքավա ընթացքում վերանորոգվում է, որից հետո բանակը շարժվում է դեպի Երևան⁵⁴:

Սեպտեմբերի 11-ին (29 շահրան) 1616 թ. Երևանի բերդը նորից պաշարվում է օսմանյան բանակի կողմից: 55 օր տևող անհաջող պաշարումից հետո, ընկնելով պարենային ու զինամթերքային դժվարությունների մեջ, օսմանյան բանակը ստիպված է լինում թողնել պաշարումը և Կարսի վրայով հետ քաշվել դեպի էրզրում⁵⁵: Օսմանյան բանակի հրամանատար Կարա-Մահմեդ փաշան ստիպված է լինում վերահաստատել 1611 թ. հաշտության պայմանագիրը: Իրանը կտրականապես հրաժարվում է մետաքսի հարկը վճարելուց: Այդ պատճառով սուլթան Ահմադը շեղյալ է համարում հաշտության վերականգնումը և պարսկական ճակատ է ուղարկում մեծ վեզիր սերդար, ծագումով հայ, հալիլ փաշային:

Օսմանյան բանակում գտնվող Ղրիմի թաթարական խան Ջանիրեկ Գիրայը 40 հազարանոց զորքով ասպատակում է Գյանջան, Նախիջևանը և Ջուլֆան իր շրջակայքով:

1618 թ. սեպտեմբերի 10-ին Փոլի Շիրեստե կռված վայրում, թաթարական խանը և օսմանյան բանակի մի մասը պարտության են մատնվում պարսիկներից, կրելով ծանր կորուստներ:

Պարտության լուրը ստանալով, սերդար հալիլ փաշան որոշում է շարժվել դեպի Արդարիլ և ստիպել շահին կնքել նոր հաշտություն, որը և իրականացվում է 1618 թ. սեպտեմբերի 26-ին (6 շեվվալ): Պայմանագրի կետերի, նույնն են ինչ որ նախորդը: Միայն Սեֆյան Իրանը տարեկան 200 բեռ մետաքսի փոխարեն պարտավորվում է տալ միայն 100 բեռ:

Նոր պատերազմական զործողությունների հետևանքների մասին այդ տարիներին արտադրված մի ձեռագիր հիշատակարանում կարդում ենք. «...Հայաստան երկրիս կոխան առնելոյ աւերեցին, զոր ոչ կարենք զաւերումն ընդ գրով առկանել...»⁵⁶:

1618 թ. աշնանը կնքված հաշտությունը ևս երկար չտևեց: Վերսկսված պատերազմական զործողությունների համար այս անգամ թատերաբեմ դարձավ Միջագետքը: Օգտագործելով

⁵² „Tarih-i Peçevî“, հատ. 2, էջ 340:

⁵³ I. Hammer, Histoire de l'empire ottoman, հատ. VIII, էջ 191:

⁵⁴ Katip Çelebi, Fezleke, հատ. I, էջ 374:

⁵⁵ Ա. Ն. Դավրիժեցի, էջ 355—356:

⁵⁶ Սուրմեյան Արտավազդ արքեպիսկոպոս, Եվրոպայի հայերեն ձեռագրերը, էջ 20—23:

Բաղդադի թուրքական կայազորի հրամանատար Բեքիր փաշայի դավաճանությունը, Շահ-Արասը շուտով գրավեց Բաղդադը:

Էրզրումի շրջանում Արագա փաշայի ապստամբության նոր պոռթկումները (1623—1627 թթ.), Եդիպոտում ծայր առած ընդվզումները, պարսկական բանակի առաջխաղացումը Միջագետքում կաշկանդում էին Թուրքիային ձեռնարկելու պատերազմական գործողություններ իրանի դեմ՝ Անդրկովկասին տիրելու համար:

Այնուամենայնիվ, թուրքերը մի շարք ասպատակիչ ու ավերիչ արշավանքներ ձեռնարկեցին Միջագետքից դեպի Համադան: Նրանք այդ քայլին դիմեցին 1629 թ. սկզբին՝ Շահ-Արասի մահից հետո:

Համադանում թուրքերի բարբարոսությունը սահման չուներ: Սերդար Խոսրով փաշայի հրամանով, որ ստացել էր «Անխիզն Խոսրով» մականունը, վեց օր շարունակ թուրքերը անխնա ոչնչացրեցին պողատու ծառերը, հրի մատնեցին ամբողջ քաղաքը, մասսայաբար քանդեցին տները, իսկ բնակչությանը հանձնեցին դահիճների ձեռքը:

Հայաստանի տերիտորիայում խոշոր մասշտաբի պատերազմական գործողություններ սկսվեցին 1635—1636 թթ.:

1635 թ. գարնանը սուլթան Մուրադը հսկայական բանակի ղեկին անցած, որը Դավրիժեցու մոտ նշվում է 700 հազար հոգի (սա բացահայտ սխալ է)⁵⁷, շարժվեց դեպի Արևելք:

Հուլիսի 3-ին (17 մուհարրեմ 1045 թ.) սուլթանական բանակը մտավ Էրզրում, իսկ 7 օր հետո Կարս: Կարսից բանակը շարժվեց դեպի Էյմիածին (Ուլքիլիսե), այնուհետև շարժվելով Գյոկ-Կյումրեթի (այժմ Գեղանիստ) վրայով պաշարեց Երևանը:

Ամբողջ մի շաբաթ պաշարողների հրետանին, աղբյուրների վկայությամբ, կրակ էր տեղում պաշարված քաղաքի վրա, քանդելով նրա կավե պարիսպները⁵⁸: Երևանի հողե պարիսպները Զրանսիացի ճանապարհորդ Տավերնիեի սրամիտ նկատողությամբ ավելի շուտ կարող էին վնասվել անձրևից, քան թե թնդանոթից⁵⁹:

1635 թ. օգոստոսի 8-ին (23 զաֆեր 1045 թ.) Երևանի խան Թահմազ Կուլին՝ Ամիրդունա խանի որդին ստիպված եղավ բերդը հանձնել թուրքերին⁶⁰: Երևանի բերդը հանձնվեց Մուրթազա փաշային, որը հայկական աղբյուրներում անվանվում է «խիստ հայասեր»⁶¹:

Թուրքական բանակը Երևանից Մարանդի վրայով շարժվեց դեպի Թավրիզ և սեպտեմբերի 12-ին (29 ռաբիու-էվվել) մտավ ու հրկիզեց քաղաքը, կողոպտելով ու կոտորելով բնակչությանը, բայց քանի որ ձմեռը մոտենում էր սուլթանական բանակը ստիպված եղավ նահանջել դեպի Դիարբեքիր (4 հոկտեմբեր, 1635 թ.):

Օգտվելով առիթից, զահ քարձրացած Շահ-Արասի թոռ՝ շահ Սեֆին երկարատև պաշարեց Երևանը և 95 օր պաշարումից հետո 1636 թ. մարտի 30-ին գրավեց այն:

Այս պատերազմական գործողությունները նույնպիսի ավերիչ հետևանքներ ունեցան Հայաստանի և ամենից առաջ նրա արևելյան մասի համար, ինչպես և նախորդները:

«Եւ ի շարժմանէ այս երկուց ինքնակալ թագաւորաց,— գրում է Առաքել Դավրիժեցին,— աւերեալ ապականեցան աշխարհը՝ Արևելք և Արևմուտք և մանաւանդ աշխարհն Արարատու իւր շրջակա գաւառք. վասն զի երկոքին թագաւորքն իւրեանց հեծելօք և հետեւելօք անդր գումարեալ կատարեցին զգործս իւրեանց և դարձան»⁶²:

1637—1638 թթ. պատերազմական գործողությունների թատերաբեմը կրկին տեղափոխվեց Միջագետք, որի հետևանքով վերջ է վերջո Բաղդադը վերջնականապես ընկավ թուրքերի ձեռքը (25 հոկտեմբեր 1638, 18 շա, բան 1043 թ.):

Բաղդադի պաշարման ժամանակ սուլթանի կարգադրությամբ Էրզրումի կառավարիչ Քե-նան փաշայի գործերը, կայազորը օղնական թաթարական զորքերի հետ միասին, ասպատակեցին Արարատյան նահանգը:

⁵⁷ Առ. Դավրիժեցի. էջ 316:

⁵⁸ «Tarih-i Peçevi». հատ. II, էջ 316:

«يکبرص طوب تيمر ايله رور و سب امان و یرميوپ»

⁵⁹ «... Ces murailles n'estant que de terre, la pluye y feroit plus de mal, que le canon».

⁶⁰ «Tarih-i Peçevi». հատ. 2, էջ 438:

⁶¹ Գրիգոր Դարանաղցի, էջ 518: Առ. Դավրիժեցի, էջ 317:

⁶² Առ. Դավրիժեցի. էջ 317:

«Դարձնալ յայսմ և թուին ՌՁԷ (1638), զրում է Գրիգոր Դարանաղցին, — կրկին զերևան և զշրջակա գաւառքն զերեցուց տաթարն, այլ յորժամ թաղաւորն զնաց անհուն զօրօք զեպի կողմն Պաղտատու, հրաման արար տաթար խանին ամենայն զօրօքն զնալ ի յԱրղրումն, իսկ տէր Արղրումին Քենան փաշան զօրագլուխ լիցի ամենայն զօրաց ընդ հաւաքելոցն, զի միարանու- թեամբ զնացին ի վերայ երևանու գաւառացն և զերեսցեն առհասարակ զամենայն հայք և զտաճկահաւատսն, և զամենայն անասունք զորս զտցեն՝ յաւարի առցեն, որպէս և արարին իսկ»⁶³։

Բաղդադի գրավումից հետո, երկու պատերազմող երկրների միջև սկսվեցին նոր հաշտու- թյան բանակցութիւններ, որի հետևանքով 1639 թ. մայիսի 17-ին (17 մուհարրեմ 1049 թ.) կնքվեց հաշտության պայմանագիր Կասրե Շիրինում։ Ըստ այդ պայմանագրի Հայաստանը վե- յարաժանվեց Օսմանյան Թուրքիայի և Սեֆյան Իրանի միջև։ Արևելյան Հայաստանը Արարատ- յան նահանգով, համաձայն պայմանագրի, մնում էր Պարսկաստանին, իսկ Բաղդադն ու Արևմու- յան Հայաստանը՝ Թուրքիայի տիրապետութիւն տակ։

Այս բաժանումն անսխալորէ մնաց մինչև Արևելյան Հայաստանի միացումը Ռուսաստանին, այսինքն՝ 1828 թվականը։

1639 թվականի հաշտությամբ, Հայաստանում համեմատաբար երկարատև խաղաղութիւն հաստատվեց և վերջ տրվեցին թուրք-պարսկական պատերազմներին։ Ստեղծվեցին որոշ խաղաղ պայմաններ Հայաստանի տնտեսութիւն, և նախ և առաջ, գյուղատնտեսութիւն վերականգնման համար։

М. К. ЗУЛАЛЯН

ТУРЕЦКО-ПЕРСИДСКИЕ ВОЙНЫ НА ТЕРРИТОРИИ АРМЕНИИ И ИХ ПОСЛЕДСТВИЯ (1590—1639 гг.)

Р е з ю м е

В статье на основании малоизвестных армянских, турецких, персидских и иных источников рассматриваются вопросы политической истории Армении указанного пе- риода.

По Константинопольскому мирному договору (1590 г.), Ирану был нанесен ощути- мый удар. Согласно договору, Западная Грузия, Армения, Азербайджан попали под иго турецких завоевателей.

Османское владычество принесло завоеванным странам Закавказья жестокую эксплуатацию трудящихся масс, режим произвола и насилия, религиозные гонения. Все это вызвало глубокое недовольство среди широких кругов населения, а также среди местных крупных и мелких феодалов. В таких условиях феодалы Закавказья обрати- лись к новому шаху Ирана за помощью.

В начале XVII века, используя ослабление Османской империи (в это время Тур- ция была охвачена мощным движением джелалиев), Шах Абас начал новые военные действия против Турции, чтобы вернуть обратно области, захваченные Турцией по мир- ному договору 1590 г. В результате захвата Армении шах был вынужден под натиском огромной турецкой армии отступить. По приказу шаха подлежали выселению («Вели- кий Сюргюн») в Иран около 350 тысяч армян.

Война еще не окончилась, как новое бедствие — голод — охватил всю Малую Азию и Закавказье. В результате часть армянского народа была вынуждена покинуть пре- делы родной страны.

В 1639 г. между Ираном и Турцией был заключен мирный договор, согласно кото- рому снова был подтвержден раздел Армении, произведенный в 1555 году по Амасий- скому договору.